

ները, անմիջապէս խանութները փակում են եւ հաւաքուելով անդլիական միսիայի բնակարանի (Մարտուն հիւրանոցը) առաջ, ցոյց են կազմակերպում եւ պահանջում են, որ երկու ներկայացուցիչներին չուղարկեն Բագու:

Անդլիական հրամանատարը, անմիջապէս իր բնակարանում եւ քաղաքի որոշ մասերում գնդացիներն է դնել տալիս եւ Ազգային Խորհրդի միջոցով առաջարկում է ցրուել, խոստանալով որ երկու հայ ներկայացուցիչները նորից կը վերադառնան:

Նման յայտարարութիւն լսելուց եւ Ազգ. Խորհրդի միջամտութիւնից յետոյ, ժողովուրդը ցրւում է, յոյս ունենալով, որ Լ. Զարիֆեան ու Գ. Բալայեան նորից կը վերադառնան: Բայց մինչեւ վերջն էլ չեն վերադառնում:

Շուշուայ Ազգ. Խորհուրդը մի քանի անգամ թէ՛ գրաւոր եւ թէ՛ բանաւոր առաջարկութիւններ է ստանում անդլ. միսիայից. բայց միշտ էլ դրժողական պատասխան է տալիս, փաստացի տուեալներով պատճառաբանելով:

Ինչպէս անցեալում էլ ասացինք, Սոկրատ բէկն ու Գերասիմ աղան անջատ բանակցութիւնների մէջ էին անդլիական միսիայի եւ Սուլթանովի հետ:

Անդլիական միսիան էլ օգտուելով այդ երկուսի թրջասիրութիւնից, ամէն կերպ աշխատում է չհրճացնել նրանց, Ազգային Խորհրդից:

Իր նպատակին հասնելու համար, Ղարա-Ղզլաղի եւ Հարարի դաղթականութեանը օգնելու պատրուակով, մեծ գումար է բաց թողնում Սոկրատ բէկին. իսկ վերջինս էլ, իր ցանկացած ձեռով, առանց հաշիւ տալու որեւէ մէկին, շտալում է այդ գումարները:

Ազգային Խորհրդի աշխատանքները, մեծամասամբ ծանրացած էին Եղիշէ Իշխանեանի վրին:

Ապառաժի Կ. Կոմիտէն, տեսնելով այդ երկու անձնաւորութեանց անջատ քաղաքականութիւն վարելը, Ազգային Խորհրդի մի քանի անդամների հետ խորհրդակցելուց յետոյ, որոշում է մարդ ուղարկել Բագու եւ դրութիւնը մանրամասնորէն պարզել Բագուի Ազգային Խորհրդին:

Շուշուայ Ազգային Խորհուրդը մի գրու-

թեամբ դիմում է Բագուի անդլիական հրամանատարութեանը, խնդրելով որ թոյլ տրուի Ղարաբաղի հայութեան ներկայացուցիչներին ուղարկել Բագու՝ իրերի դրութիւնը պարզելու համար:

Այդ դիմումը յարգւում է Բագուի անդլ. հրամանատարութեան կողմից, որից յետոյ Ասլան Շահնաղաբեանի ղլխաւորութեամբ մի պատուիրակութիւն է դնում Բագու:

Բժ. Խոսրով բէկ Սուլթանովը, օգտուելով իրեն համար ստեղծուած նպաստաւոր դրութիւնից, եւ անդլիական միսիայի (Շուշիի) աջակցութիւնից, կամաց-կամաց Շուշուայ հայկական մասի քաղաքացիական վարչութիւնը վերջնում է իր ձեռքը:

Ազգային Խորհուրդը, տեսնելով որ դրութիւնը ծանրանում է, որ Սուլթանովը օգտուելով անդլիացիների ղէպի Ադրբէյջանի կառավարութեանը տածած բարեհայակամ վերաբերմունքից, յարձակողական քայլերի է դիմում. իսկ միւս կողմից էլ նկատի ունենալով, որ քաղաքի հայ ազգաբնակիչութիւնը զինաթափ վիճակում է եւ որ քաղաքի վաճառականութիւնը դէմ է ռազմական գործողութիւնների, նպատակայարմար է համարում Զինուորական Շտաբը տեղափոխել զաւառ, աւելի ազատ եւ ուժեղ կերպով ինքնապաշտպանական գործը կազմակերպելու նպատակով:

Լ. Զարիֆեանն ու Գ. Բալայեանը Շուշուայ աքսորուելուց յետոյ, Հայաստանի կառավարութիւնը բաւական ուշացած, Ասլիլի սկզբներին, Թիֆլիսի անդլիական բարձր հրամանատարութեան համաձայնութեամբ, Շուշի է ուղարկում Միշա Արզումանեանին՝ Ղարաբաղի խեղիբը պաշտպանելու համար:

Մ. Արզումանեանը իր ուժերը ներածին չափ աշխատում է Ղարաբաղի խնդիրը պաշտպանել յօգուտ Հայաստանի կառավարութեան. իսկ անդլիական հրամանատարը աշխատում է օգտագործել Հայաստանի կառավարութեան ներկայացուցիչ Ղարաբաղում լինելը եւ առաջարկում է նրան յայտարարել, որ Ղարաբաղ-Զանգեզուրը ժամանակաւորապէս ենթարկւում են Ադրբէյջանի կառավարութեանը: Միշա Արզումանեանը հրաժարւում է նման յայտարարութիւն անելուց, որից յետոյ անդլ.